

山村遺稿

山村遺藁卷一

吳郡顧維岳手輯

錢唐 仇遠 仁近

約山中友

望極秋空無片雲  
前山歷歷見遙岑  
新鴻漸到邊塵  
靜奮而不來汀草  
溪仙李有時曾入  
夢伯桃死後少  
知心如君真是忘  
機者海上鷗盟便  
可尋

寄宋飲水

欲共談詩一解頤  
停雲空惹思依依  
梅花賦就廣平  
老楊柳門閑靖節  
歸驛路數程征馬  
瘦家書千里過  
鴻稀思君怕倚闌  
干北柱笏看山竟  
落暉

北窗

北窗隱几樂吾天，莫遣新愁到耳邊。  
一帽好花供醉舞，半床涼月伴閒眠。  
故人自欲辭文叔，明主何嘗棄浩然。  
留取長安遮日手，養成指甲理朱弦。

拜霞嶼待制伯祖墓下

難尋華表與豐碑，三尺墳臺山四圍。  
翁仲多年蒼珮剥，子孫寒食紙錢稀。  
瘦藤拔地長蛇走，灌木維垣野鼠肥。  
遠也久違鄉族去，忍將淋酒酹斜暉。

高卧

人生天地一蘧廬，耕鑿雖勞樂有餘。  
因閱杜詩刪舊

橐為觀羲帖習行書山公醉後猶騎馬渭吏閑來只  
釣魚世道秋風總蕭索何如高卧白雲居

雨餘

兩、鳴鳩語畫簷雨餘芳艸欲生煙甕頭酒熟常留  
客象外詩成頗類仙揚子有才猶執戟淵明無事合  
歸田地偏時事人傳少收拾琴書且晝眠

元友山南新居

槐柳參差出短牆小樓突兀看湖光出門便與青山  
對讀易能消白日長硯石洗來如玉潤藥苗曬得似  
茶香隣僧亦有通文者常把詩來惱漫郎

山村遺藁

再賦

幽居穩占南山下，人迹稀疎水竹村。  
轉巷始知猶有路，倚湖更好別開門。  
酒尊盡日嘗謀婦，詩課間時略抱孫。  
孤宦不來高士少，暗香且伴月黃昏。

答胡葦杭

久矣相期物外遊，長風吹不斷閑愁。  
兩山翼々青如舞，雙鬢颺々白始休。  
蕉鹿夢回天地枕，蓴鱸興到水雲舟。  
丹雘歲方鏡明如月，看去看來又一秋。

次胡葦杭韵

曾識清明上巳時，懶能遊冶步芳菲。  
梨花半落雨初

過杜宇不鳴春自歸雙塚年深人奈少孤山日晚客  
來稀江南尚有餘寒在莫倚東風褪絮衣

送王仙麓使君赴道州暫歸三山

家山小為離支留征旆催行莫待秋應有矮奴騎竹  
馬相隨迓吏拜蘭舟舜山如畫當樓見楚水浮香繞  
郡流念我有親頭雪白雲龍追逐恨無由

奉寄恬上人

竹筇輕健草屨寬野外消磨半日間病葉已霜猶戀  
樹片雲欲雨又歸山燈分寺塔暗偏見水隔漁家夜  
不闌愧我莫如沙上鷺霎時飛去便飛還

閻氏園池

真妃已返鳳臺仙，獨立池亭思愴然。  
海嶽不傳青鳥信，石房誰伴白雲眠。  
宮槐移種難生實，院籜初翻又引鞭。  
凝碧荒涼松管靜，萍花浮滿釣魚船。

江上送友

知余懷親憶故州，相逢沽酒且遲留。  
夕陽有恨荒江白，江水無聲汜水流。  
孤鳥出潮投渚尾，野蘆飛雪壓船頭。  
却愁明月中秋近，不得同登庾亮樓。

送劉竹間歸廬陵

驛路梅花漠漠寒，絨衫絮帽出長安。  
懸知客久歸心

切自覺交深別語難、春入西江隨馬去、山留殘雪待人看、青原白鷺如相問、十載湖濱只釣竿、

### 道場山

山行窺背路羊腸、伏虎禪師古道場、老木陰中安御座、白雲堆裏撫僧床、石泉清澈涵秋味、尖塔孤撐界夕陽、笑月亭空人影散、松風如雨動天簷、

### 何山

溪轉峯回一迳平、田頭白水照人清、寺因何氏封山姓、客把坡詩證地名、蘿月長隨行道煎、松風猶帶讀書聲、雲津橋下潺湲急、僧濯袈裟客濯纓、



新安郡園

臺榭凌空眼界寬，得閒來此獨憑欄。  
春浮練水蒸城潤，雪被黃山入座寒。  
古樹巢空羣鳥散，荒池沙滿碎  
藻乾。白雲在望歸期定，不見青油護牡丹。

拜孫花翁墓下

水仙分地葬詩人，一片荒山野火焚。  
薦菊有亭今作圃，掃松無子湯留墳。  
蝸牛負殼粘碑石，老鶴攜雛入隴雲。  
欲把長簫歌楚些，却憐度曲不如君。

兵間有歌舞者

邊塵未定苦無諫，謀年少金多絕不憂。  
野戰已酣紅帕

首塗歌猶醉錦纏頭。蛾貪銀燭那知死。月戀金尊不  
照愁。亦欲避秦高隱去。桃花源上覓漁舟。

寄董無益

郵鈴帶箭髮絲。何日山深耳不聞。遷客無鄉難避  
禍。饑民失業半充軍。馬蹄亂蹋湖西雪。雁陣平拖塞  
北雲。我亦懶談今世事。自看弔古戰場文。

題小閣 一園和氣

斷窗粘紙著方牀。四面虛明取向陽。簾席坐來終日  
暖。皮簾揭動北風涼。挂瓶水滿梅花活。折鼎湯鳴芋  
子香。布被蒙頭晝眠熟。不知門外雪洋洋。

董靜傳挂冠四聖觀

靜接秋淥洗荷衣，問隱孤山隻雀隨。  
得酒可謀千日醉，挂冠猶恨十年遲。  
雲和家有仙人譜，石鼎今無道士詩。  
莫對梅花談世事，此花曾見太平時。

劉悅心入道三

鶚冠高挂九松巔，去結三茅香火緣。  
相國向猶為道士，將門今又出神仙。  
坐看紅日生滄島，吟寄青衣入洞天。  
跨雀歸來雲舍近，西風井邑只依然。

同楊心御過孤山訪靜傳，不遇自遊和靖祠下。

明日奉寄二高士

飛仙又向別峯遊，竹下開房且小留。  
滿鬢翔風吹客帽，倚闌落日在漁舟。  
梅花路冷難尋塚，荊州田荒半作洲。  
獨往獨來沙鳥怪，山空木短使人愁。

酬鄧山房尊師

山房間伴白雲棲，琴不須彈<sup>彈</sup>聽者稀。  
北道主人新拜號，西州隱士舊傳衣。  
越王未合鵬夷去，蜀遠難隨杜宇歸。  
亦欲共君聯石鼎，龍頭豕腹怕相譏。

不應聘高士

束書入谷起微君，盟耳淵棲似不聞。  
知有故人來問字，喜無逋客為移文。  
忍貧羞說黃金盡，夢老慵將白

髮共獨倚高樓南北望青天依舊有閒雲

懷古寄劉仲鼎

吹殺青鐙炯不眠  
漪衿懷古恨綿綿  
江東曾識桓司馬  
滄海難追魯仲連  
吳岫月明吟木客  
漢宮露冷泣銅仙  
何時一酌桃源酒  
醉倒春風數百年

和范愛竹三首

半生豪氣學元龍  
湖海惟知敬數公  
徒有貞心招隱逸  
恨無巨眼識英雄  
天衢騎馬衣冠異  
兩屋鳴雞杼軸空  
西崦東屯何日了  
定應愁老浣花翁

秉燭追遊憶盛時，懽悰終較昔年稀。  
柳多客折涼陰薄，薇少人餐綠肥。  
胡蝶覺來方識夢，海鷗飛去未忘機。  
相逢且可談風月，莫話興亡與是非。

三

風雨蕭蕭，白晝昏，肅襟受此一涼恩。  
亡園不作軒裳夢，陵谷空遺斧鑿痕。  
乍可扣舷歌楚澤，何堪抱瑟立齊門。  
有時散步西原上，共醉田家老瓦盆。

問趙元父病

畏飯無因絕往還，惟應帖子報平安。  
山公馬向花前放，岐伯書從枕上看。  
貿易近來多北藥，支持強欲著

南冠有時泥醉西園月只欠梅花共倚闌

贈金蓀壁

黃紙紅旗事已休莫思入谷有鳴騶天開東壁圖書  
府人立西湖煙雨樓林淺易尋和靖隱菊荒空憶魏  
公游客來把玩新題扇半似鍾繇半似歐

丹谷元父

驂襄龍媒去未還獨騎款段客長安青黃誰采溝中  
斷黑白當從局外看尊俎風流陳日月山林人物古  
衣冠桂花滿裏王孫遠空倚天風十二闌

寄趙春洲莫兩山

湖山滿目舊遊空、風景荒涼客路窮。而意忽生桐葉外，秋光多在木犀中。乾坤混々多遊騎，江漢寥々有斷鴻。自古隱人多嗜酒，却憐無酒醉新豐。

和雨山

世事枰碁入角危，有人袖手只攢眉。路通巴蜀那須檄，馬立澶淵更要詩。公竟醉邪從汝笑，樹猶如此信吾衰。傳聞雙珥消兵氣，猶把葵心向鬱儀。

二

窮鄉何處覓新菽，身世悠悠醉夢中。未學伏波尸馬策，且隨甫里問龜蒙。簷頭喜有桑榆日，兵後那無艸



木風亦欲飛神游八極、扁舟坦卧不須篷、

讀陳去非集

簡齋吟冊是吾師、句法能參杜拾遺、宇宙無人同叫嘯、公卿自古嘆流離、窮途却、誰憐汝遺恨茫、不在詩、莫道墨梅曾遇主、黃花一絕更堪悲、

近世習唐詩者以不用事為第一格、少陵無一字無來處、衆人固不識也、若不用事云者、正以文不讀書之過耳、暇日與里人盛元仁言之、予與元仁俱以筆墨受兩山先生知、予之心、元仁之心、先生之心、同矣、元仁歸十錦、將束書渡淮、輒錄小卷贈

行以寄君思。若元仁少好詩錄以教我。以寄予思。  
明月天涯千里對面愁不孤矣。戊寅七夕前三日  
武林仇遠頽首頽首。

右仇仁近手書自作律詩三十八首與元仁二公  
皆咸淳名士觀其筆無倦意豈特其書可貴重  
我亦可以見其為人矣。他日貴游子弟損一石刻  
之使吾輩皆得墨本以刮目散懷亦一奇事也。至  
正申申歲秋孟汾亭石巖民瞻為盛季高氏書時  
年八十有五。

山村仇先生在宋時已有能詩聲至元中嘗分教

京口余時尚童壯從先人杖履識之。後每至杭必  
造其廬拜床下。先生雖生長繁華之地而神清骨  
聳脩狀山澤臞儒也。今觀所錄與虎林盛先生贈  
行小卷其間多感慨興亡之辭而優柔不迫平淡  
中有味真得詩人之旨者也。詩後題識歲月距今  
六十八年矣翰墨如新誠可愛玩。季高其慎藏之  
哉。至正乙酉七夕後五日晚學俞希魯敬書。

延祐丁巳秋余至錢唐拜識山村仇先生于北村  
湯先生之讀易精舍既而屢承誨益唐律三十八  
首先生所作書贈虎林盛先生行者虎林先生余

表叔李高先生之妹父余之外妹祖也其年戊寅  
表妹始生但後此一月耳早年嘗披誦于表妹處  
辭翰之工非胸中有万卷書何以至此誠我輩後  
學之軌範也表叔今沒四禩平日玩好之物子盛  
彥清甥蔣元用寶藏之去歲元用彥清沒蕩然一  
空聞者莫不興嘆云妙道士鄭本中偶今得此出  
以示余令人感悼尤深先哲云遠去日如馳時有  
代謝遷變物有成敗聚散狀亦理之常也昔兵間  
有歌舞者先生詩云野戰已酣紅帕首塗歌猶醉  
錦纏頭寄董無益云遷客無鄉難避禍饑民失業

半充軍賦不應聘高士云思貧羞說黃金盡愛老  
慵將白髮紫三復斯言一時不能忘情今野戰已  
酣誰事歌舞遷客饑民多不忍說金盡而貧皆不  
羞說此又古今事變所不能無者也俟河之清人  
壽幾何余年六十有七玩好之心亦灰樂夫天命  
而已一念不留與道長往其樂斯無窮焉本中年  
富力強修煉閒暇從事辭翰得此卷于離亂中愈  
加愛護長留天地間茲非山村虎林二先生之幸  
也歟歲在丁酉閏九月甲寅京口虛靜道人蘇霖  
子啓謹識

古山村先生詩三十八首洪獲覲于壺宗海氏其  
類挫沈鬱彷彿杜少陵之風而悲嘆感慨猶不能  
脫晚宋氣習者豈其遭時之變而狀歟詩後自謂  
作詩必用事然古人吟詠之妙又有在于用事之  
外風行水上貴乎自狀耳今去先生百有餘載讀  
之慨然所謂顧瞻周道之悲此固先生之心也歟  
若乃辭翰之工有不待鄉里後學之贅辭也永樂  
戊戌夏六月四日王洪拜手識

此卷仇山村詩凡三十八首觀其所作當宋元之  
際不能無哀思之音故體物緣情多感慨興亡之

意讀之不覺憮然至論作詩必以用事為能讀書  
朱兗于固前輩謂少陵詩無一字無來歷不過言  
其學博而有根據耳非但為用事也且詩言志苟  
適其性情之正而得乎事理之當亦何必拘于  
用事與不用事哉豈仇公學識該博固以用事為一  
能邪然其詩皆白書字書清勁無塵俗氣其亦山  
林修潔之士哉翰林庶吉士萬克修持以求題遂  
為書之永樂十八年夏六月豫章胡儼跋  
南宋運方厄腥羶紛以揚吁咷頽俗中見此孤鳳  
皇悽々既不偶長鳴悲亂亡所懷虎林產頗謂諧

錢唐瞿佑跋

海寧馬氏仲安藏山村手書唐律三十八首乃贈  
盛元仁之行者跋者元石巖俞希魯蘓霖明王洪  
胡儼胡濟瞿佑共七人洪又大書興觀二字于首  
鄭雍言從而篆之衰池為一卷山村集世久失傳  
此卷如吉光片羽誰不知寶重況予杭人也山村  
元仁<sup>王</sup>士洪瞿佑皆鄉之前哲手澤俱存景行倍切  
借觀凡七日狀終不可留也爰手錄其副而歸之  
康熙癸巳二月戊午虎林龔翔麟識



山村遺藁卷二

吳郡顧維岳手輯

錢唐 仇遠 仁近

題石民瞻畫鶴溪圖

鶴溪近興練溪連一鏡秋水清無邊依稀淮岸滿湘  
浦慣見月虹書畫船山翁幾年吳下客溪艸溪花未  
拍識筆牀茶竈老云真可與沙鷗分半席

范文正公黃素小楷昌黎伯夷頌蓋在青社時  
所畫以遺京西轉運使舜元蘇公者也後二  
百年大興李侯戡得此本于燕及南來守吳  
乃文正公鄉里即訪公子孫以畀之范氏喜

而求詩為賦

小楷青州三絕碑復還范氏事尤奇不知百世間風  
者更有何人似伯夷

古今一理是綱常范筆韓文妙發揚公餓首陽元不  
死春風歲歲蕨薇香

題李公略示高中郎吳山觀月圖

凭高宜晚更宜秋下馬歸來即倚樓  
納乾坤雙老眼涵之江海一扁舟  
滿城明月空吳苑隔岸青山認越州  
李白酒豪高適筆當時人物總風流

題李成寒鴉圖

老樹枯苔雪乍晴  
飢鳥飛集噤無聲  
蒹葭沙上花開  
早且讓春風與燕鶯

春日田園雜興

一灣新綠護茅廬  
艸細泥鬆已可鋤  
野老但知分社  
酒地官寧復進農書  
鶯花眼累人煙外  
蠶麥生涯穀  
而餘我愛賦歸陶  
令尹柳邊時見小簋輿

題燕肅畫

溪路迢迢繞碧峯  
白雲迷却舊行蹤  
買舟歸去山中  
住終日茅亭坐聽松

錦城方天瑞公英先生後人得白雲山居圖行

佛祠廬山中隱所舜舉真跡別有一種風致  
湯系以詩

翼山千朶蕭蕭屋數間石厓不可度門近幾曾關  
綠樹經秋在白雲終日間依稀錦湖曲西島水迴環

題趙松雪枯木幽禽圖

項刻迷禽  
竹石圖

錦石傾歌玉樹荒雪兒無語聽斜陽百年花鳥春風  
夢不是錢唐是汴梁

題高房山寫山村圖卷

大德初元九月十九日清河張淵甫貳車會  
高彦敬御史于泉月精舍酒半為余作山村

圖頃刻而成、元氣淋漓、天真爛漫、脫去畫三  
筆墨畦町、余方棲遲塵土、無山可耕、展玩此  
圖、為之悵然而已。

我家仇山陽、昔有數椽屋、誤落城市間、讀書學干祿、  
并枯竈煙絕、况復問松菊、如此五十年、一出不可復、  
高侯止壑、曾知我志幽、獨為寫隱居圖、寒溪入空谷、  
蒼石壓危構、白雲養喬木、向來仇池夢、歷々在我目、  
何哉草堂賞、政尔飯不足、視吾舌尚存、吾居有時卜、

贈張玉田

秦川公子謫仙人、布袍落魄餘一身、錦囊香歇玉箫

山村遺稿

斷庾郎白髮徒傷春金臺掉頭不肯住欲把釣竿東  
海去故鄉入夢忽歸來井邑依三鐵爐步碧池槐葉  
元都桃眼空舊雨秋蕭颼太湖風月數萬頃扁舟乘  
興尋三高西北高樓一杯酒與子長歌折楊柳江山  
信美盍便留蓴菜鱸魚隨處有

次胡葦杭韻

連作湖山五日游沙鷗慣識木蘭舟清明寒食荒城  
晚燕子梨花細雨愁賜火思榮皆舊夢禁煙風景似  
初秋鳳絲龍竹繁華意猶為西林落日留

秋日西湖園亭

西湖一曲百泉通，漢水青山遠梵宮。  
故國園林秋色淨，明朝風雨桂花空。  
銀笙玉笛清歌外，畫舫珠簾落照中。  
人物風光兩相稱，兒童遮莫笑山翁。

飲陸靜復山房分韻得詩字

連轡行春自作期，尋芳却笑我來遲。  
三杯雲液花前酌，一曲瓊簫竹下吹。  
滄海桑田非舊日，石泉槐火有新詩。  
山中道士閑于宦，門外紅塵總不知。

石屋洞

誰劈空青露石坳，游龍伸臂下南高。  
鬼神穿鑿地脈碎，風雨支撐天柱牢。  
峭壁蒼苔侵佛髻，懸崖滴乳濕

山村遺棠

僧袍伽藍聞是香山叟燈暗祠荒淡野蒿

蛇山一作游花家山

閒循石澗到雲扉樹影生涼怯苧衣靜碧軒窗聊寄  
傲軟紅塵土竟忘歸端傾竹葉春霞滑輕滴蕉花曉  
露晞禪意法乘俱莫問且談舊事共依依

湖上值雨

波痕新綠艸新青有約尋芳苦不晴莎徑泥深雙燕  
溼柳橋煙淡一鶯鳴山圍故苑春常鎖泉落低畦暖  
未耕十載舊蹤時入夢畫船多處看傾城

同段吉甫泛湖



西湖春碧靜無泥、畫舫珠簾倚岸移、寒食清明初過  
後、杏花楊柳乍晴時、從教西日催歌鼓、莫放東風轉  
酒旗、只恐明朝成雨去、暗驚濃綠上高枝

同陳彥國泛湖

斜堤高柳綠連天、且繫閑人書畫船、花事已空三月  
後、湖光還似百年前、洛陽園囿唯詩在、江左英雄託  
酒傳、亦欲扣舷歌小海、恐驚沙上白鷗眠

陪戴祖禹泛湖分韻得天字

冉、夕陽紅隔雨、悠、野水碧連天、山分秋色歸紅  
葉、風約蘋香入畫船、鐘鼓園林已如此、衣冠文物故

依然當歌對酒腸堪斷倒著烏巾且醉眠

鳳皇山故宮

一作錢唐懷古

漸無南渡舊衣冠尚有西湖風雨寒  
鳳鳥不采山寂鴻夷何在海漫漫  
荒陵樵采官猶禁故苑煙花客  
自看惟恨餘杭門外柳長年不了送征鞍

### 集慶寺

半生三宿此招提眼底交游更有誰  
顧愷漫留金粟影杜陵忍賦玉華詩  
旋烹紫筍猶含籜白摘青茶未展旗  
聽徹洞簫清不寐月明正照古松枝

### 卜居白龜池上

一琴一鶴小生涯、陋巷深居幾歲華、為愛西湖來卜  
隱、却憐東野又移家、荒城雨滑難騎馬、小市天明已  
賣花、阿母抱孫閒指點、頭林盡處是棲霞、

錢唐觀潮

一痕初見海門生、頃刻長驅作怒聲、萬馬突圍天鼓  
碎、六鼉翻背雪山傾、遠朝魏闕心猶在、一作直上巖  
灘勢始平、寄語吳兒休蹋浪、天吳罔象正縱橫、

陸君實挽詩

乾坤那可問、至痛老臣心、甘抱白日沒、不知滄海深、  
忠魂隨上下、義骨冒浮沈、草木長淮淚、秋風起暮陰、

梅

為怕緇塵著素衣，冰痕封蕊放香遲。  
月來忽送闌干影，春到不分南北枝。  
喚夢翠禽依樹宿，消魂玉竹逐風吹。  
從他萬片隨風去，須有青蔥葉底時。

過李山人居

數椽茅屋倚秋江，屋外疎籬隔柳樨。  
客至旋分垂釣石，雨來自掩讀書牕。  
癡兒弄鏡時翻背，小婦彈箏不識腔。  
自古漁樵有遺逸，未應只說鹿門龐。

題和靖先生觀梅圖無懷上人徵余作

癡童癯冷雀相隨，笑指南枝傍小溪。  
到處一痕香影色，

孤山只在斷橋西

雲屋上人久別承寄以詩次韵謝

月落城空竄倦飛  
密雲深樹靜相依  
閭門北去山如畫  
有日同師步翠微

題趙子固水墨雙鉤水仙卷

水薄沙昏短艸枯  
采香人去隔湘湖  
誰留夜月羣仙珮  
絕勝秋風九畹圖  
白粲銅槃傾沆瀣  
青明寶玦破珊瑚  
却憐不得同蘭蕙  
一識清醒楚大夫

李待詔虎溪三笑圖

偶然行過溪橋正  
自不道一笑三人  
必有我師不笑

不足為道

人生一笑良難莫問是同是別青山相對無言溪聲  
出廣長舌

書與士瞻上人十首

我本迂疎落拓人滿頭霜雪滿懷春登山有屐身恒  
健挂壁無弦趣更真往歲效官殊漫浪老來學佛離  
貪嗔却憐衛鶴齊雞輩空費心機不庇身

二

野鶴清高六翮輕孤雲萬里去冥冥漢科合應茂才  
舉唐士曾書遺教經好趁江南諸老在盡看薊北衆

山青錦衣歸日春風滿期醉沙隄雙玉瓶

三

懶學羊裘漢子陵亦非解印晉淵明好山好水恒相  
對浮利浮名不顧棄詩酒每尋朋友共田園都付子  
孫耕野心直與閑雲似却笑孤雲出岫輕

四

末俗由來不貴瀝小夫小婦恣擲掄束書合向山林  
隱絕迹莫登名利途膝上有孫貧亦樂門前無債醉  
如愚咸平處士真堪美死守梅花住裏湖

五

山村遺稿

宦海漂流四十年，老來默守吾家艱。  
危巖得文章，嫁娶各隨兒女緣。  
白飯充腸聊當肉，好書到手不論錢。  
閒心懶作邯鄲夢，樂取南窗一枕眠。

六

筆硯生涯獨倚身，一區花竹四時春。  
無求莫問朝廷事，有恥難交市井人。  
簾外烏衣飛上下，胸前絳蕊結輪囷。  
鑑如居士東隣住，肯借霜毫為寫真。

七

難得心交左伯桃，亦無雋相九方皋。  
而今賤子多儒誤，自古山人索價高。  
衆雀豈能知鵲志，一雞何足用



牛刀獨醒獨醉俱堪樂妙理依然有濁醪

八

倦時懶著小烏巾短髮絲  
白滿簪信手拈書聊慰  
眼轉頭忘事大無心笑他杜老頻看鏡愛我昭文不  
鼓琴喜有山林方外友時攜佳紙索新吟

九

北風雨後忽南風頃刻開晴又轉東  
后土未乾偏有恨漏天難補已無功  
小樓兀坐思猿雀好客相期避燕鴻  
壁上墨蘭香可掬令人長憶所南翁

十

豪氣年來漸掃除，新簞瓢自樂守臞儒。  
江頭盡醉唐朝士，澤畔行吟楚大夫。  
萬里鯢鰔何必笑，一官蟣蝨不如無。  
蒼中草屨從人笑，莫問青山落葉枯。

士瞻上人，習定好修，與子晦翁笑隱長老三世交矣。求予斐章，遂信手寫七言十首塞白上人其為我佛前懺悔綺語業。至治元年九月，山村老友仇遠書于北橋躬行齋。

余始就學時，即知仇白名，蓋二先生乃宋之遺老。同居錢唐，名望畧相等，一時制作多出其手。學者宗之。今時天竺南北兩山法席甚盛，諸老尊宿咸

在無不與二人者游仇名遠字仁近自號山村氏  
學者稱爲山村先生蓋抱道博達之士也今觀其  
詩冲遠幽茂而靜退閒適之趣溢于言外信可敬  
也此詩乃爲前往天平山士瞻和尚所書者今六十  
餘年矣今天平住山復菴禪師士瞻翁之法子也  
一旦得之如獲舊物且喜且嘆既連爲吾俾識于  
左夫物之廢興成壞似有數存乎其間自兵興以  
來故家所藏法書珍玩殘剥毀棄鮮有脫者而是  
書獨完于水火瓦礫之餘而又復歸于其後之人  
殊非偶然也俯仰今昔爲之一嘆洪武戊辰八月

東泉釋妙聲謹識

吾愛山村叟詩工字亦工波瀾唐句法蕭灑晉賢  
風交好論方外英雄在壑中天平宜寶護開卷氣  
如虹 中吳釋弘道

朝野尊遺老山村有逸民書傳東晉法詩接晚唐  
人樂易會中道風流席上珍前賢不可見仰止邈  
清塵 吳僧守道

仇先生仁近宋季老儒也與白先生湛淵詩名竝  
稱于吳下人謂之仇白若唐之皮陸也二先生晚  
年謝事樂于湖山泉石間多與方外士游名山勝

地佛剎靈區足跡所到無不有其題詠兵後石刻  
墨本百無一二存也此數詩乃仇先生晚年所作  
錄與天平士瞻翁者兵後亦失去翁之徒今天平  
住山復菴禪師復得之于他人復菴以為傳家之  
珍徵余題其後衍壯時遇天平見翁于松下翁善  
辨評論古今人物惟允于詩亦稱道仇白也仇先  
生詩前輩已曾論之余尚何言哉朕是詩既失而  
復得禪師宜加寶重洪武二十一年歲在戊辰十  
二月望日燕山大慶壽獨菴道行

山村先生詩置近代詩家中如新巧局製中置一

古高彞識者寧不高其雅厚耶先生所交多偉人  
在方外亦皆卓卓如晦翁輩人物先生訕中稱所  
而所南鄭憶翁其制行不可屈撓世指為數之逋  
播臣先生稱之先生為人可知矣、矣

右詩益山村先生暮年退休時所作也其沖淡閒  
曠之意藹然可謂達生委命者矣前輩文墨近不  
多見復菴其實之洪武已卯冬孟二日吳門後學  
梁用行規

仇白之于宋季猶歐虞之于元初觀其詞翰則知  
其趣矣其語平而易其氣醇以和若行雲流水冒

嘗用意求奇哉。在唐稱郊島鳴于詩。前輩謂其雕  
剗肝肺。語涉艱澁。既以窮其身。又以愁于人。韓子  
云。將以自鳴。其不平邪。是卷始于南麓禪師。值時  
艱成。烏有復菴。復得之山中。以貽後人。後之覽者。  
當珍之。練川遺若姚性善夫。

正德乙卯八月十九日。吳門盧襄師陳觀。

仇山村詩。余嘗于西湖時。覽志中見其數首。愛其  
冲淡典雅。每以未見全集為憾。是卷乃其親筆書  
與方外友士瞻者。其風格大類樂天。觀其詩可知。  
其所卷矣。卷後諸跋。皆釋子所書。字畫不苟。豈皆

賢而隱于袖者歟嘉靖丙辰春正月既望箬谿七  
十四翁顧應祥書



山村遺藁卷三

吳郡顧維岳子韓

錢唐

仇遠

仁近

步出上東門

步出上東門，  
東門柳彼美窈窕娘。  
惜為蕩子婦，  
中堂裁衣裳。  
刀尺常在手，  
之子未歸家。  
何以奉箕帚，  
為君長相思。  
躑躅歲之久，  
思君頭易白。  
惜無百年壽，  
誰能學仙人。  
辟穀但飲酒。

素日出東嶺

素日出東嶺，  
照我白玉牀。  
上何所有，  
素書一囊。  
詰曲科斗文，  
讀之不成章。  
若車自翱翔，  
駕景朝紫皇。

蒼苔滿石。更瑤書室。祕藏仙人百尺臺。吹竹引鳳皇。  
鳳子來不來。虛此明月光。

雜畫

東風吹寒晴。春事歸花柳。既有杖頭錢。何苦不飲酒。  
嗟。王孫去。芳草入戶牖。惟有南山高。曉霧亦白首。  
去年東燭淚。知有今日否。所以晉名流。酒杯不去手。

題下

黃昏忽上雲。西窓竟無月。燭花自盈枝。可玩不可折。  
天風吹鐘聲。忽一作急吹燭滅。可惜燈下書。少讀三四葉。

紀夢

安翔紫雲輶，游盼瑤仙家。  
斜陽射巖谷，眩目皆丹砂。  
娃鬟扶鸞尾，倦掃菖蒲花。

相隨曲

腸結誰可解，眉皺屢可伸。  
獨不禁子規日，啼春心。  
春風醉行客，門外芳草深。  
芳草已無路，行、又何處。  
東園花柳多，賤妾不復顧。  
秋胡夫不夫，買臣婦不婦。  
人心非金石，悔不隨郎去。

春風謠

春風吹柳枝，柳枝拂短牆。  
春風吹桃葉，桃葉浮煙江。

春風薄情不可當，鳴鳩乳燕相頡頏。  
春日長，春夜短，雪花撲帳春不暖。

聽杜將軍帳下歌兒

桓將軍，城南牛將軍，城北他軍只有八千人。  
卒急臨洮攻未得。

其二

靴尖蹴城未頽，馬箠填河未滿。  
十歲胡兒下馬行，兩足胡為自長短。

其三

什、佐、金人降將軍，忍殺令歸鄉。  
歸時說與汝郎。

長、納土封汝異姓王、

葛雄女子舞劍歌

葛家女兒十四五、不向深閨學針縷、遍身繡出蛟螭  
文、赤手交持太阿舞、紅羅帕子錦纏頭、口吐長安游  
俠語、側身捷如飛鳥輕瞋目、勇如獨鶻舉雲胸、霧閣  
豈無情、終欠嬌嬈太麤武、黃堂張燕燈燭光、兩耳喧  
喧、歌鼓人言葛氏善舞劍、曾向梨園奉尊俎、短衣  
結束當楚呈、壯士增雄懦夫沮、我憐健婦勝丈夫、却  
欲驕兵如處女、安得成軍號娘子、直氣端能捷秦楚、  
只愁逢著裴將軍、公孫大娘汗成雨、

秋日

秋風悲梧桐，知不知。渴虹挾而吸河漢，嘹々數雁天。  
四垂雁急不成字，遠向瀟湘飛。銅盤露下夜如水，宗  
玉新自巫山歸。

海上圖澄江仙刻

老仙指甲堅如錢，夜畫楫於出宮闕。翠深紅遠十二  
樓，猶理霓裳舞迴雪。山楸覆亭小，于笠名脚插船輕。  
似葉桃花幾度春，酣々弱水何日通舟楫。醉中作此  
狡獪事，收拾乾坤入毫髮。神剋鬼剋未百年，不與丹  
青共磨滅。天風頽頽飛霞珮，水雲妥帖凌波韞。我將

就此逍遙遊，高步青霄拾明月。

采薇吟

采薇采薇，西山之西。薇死復生，不生夷齊。陟彼西山，我心悲兮。

圓通峯頂

結亭孤絕處，登眺不辭勞。万木俛在下，一峯如此高。山圓湖面小，藤絡樹根牢。揮手紅塵表，天風欲跨鰲。

雪花

仙人初剪水，欲下復遲遲。半夜忽自落，東風竟不知。無香粘客袖，有意補春枝。却憶江南柳，飄綿送子時。

山村遺藁

渡越

蒼煙迷古道，白水滿平曠。  
落雁湘湖月，孤砧粵樹秋。  
壯心消蠟屐，老淚入貂裘。  
市飲成淒斷，何人識馬周。

韶華

韶華已如此，舟中積芳塵。  
石潤先知雨，山濃渾是春。  
釣魚臨積水，隔柳見行人。  
應有忌歸者，扁舟採白蘋。

和曹子

一作才

山林不可住，欲隱更何之。  
春去已多日，客愁無了時。  
斜陽依樹下，明月到門遲。  
閒事誰消遣，陶潛一卷詩。

鎮海亭



海塘三十里，此屋獨巍然。  
有浪方知水，無雲總是天。  
苔痕封石柱，帆影下楼船。  
閒憶童兒女，悠悠去幾年。

寄潘懷古

園林搖落後，靜獨奈秋何。  
黃葉下不止，青苔掃更多。  
回風喧地籟，濃露洗天河。  
懷楚思無極，長簫按九歌。

勾龍爽毛女

曾是阿房學舞人，玉簫舊譜尚隨身。  
喜歸商嶺尋仙藥，忽一作見秦宮。  
化刻塵松蜜春腴笑，可能柵衣秋  
碎不須綰。憑誰喚起勾龍爽，更寫湘妃與洛神。

湖上

嵐霧濛濛曉未收，青紅牕戶失飛樓。  
雨添芳艸侵官道，水漲浮萍入御溝。  
蘇小只傳身後曲，江淹曾賦別時愁。  
杏花風急清明近，已覺新寒似麥秋。

丹心

丹心只有杜陵知，愁讀傷春五首詩。  
傳語龜年休度曲，江南正是落花時。

登寶林應天塔

越王城下草青青，眺遠須登第幾層。  
白髮山僧閑拄杖，夕陽古木是諸陵。

朝天門城角

颯々秋風起白榆山前吹徹小單于行人便作邊城  
聽思却杭州是故都

斷橋聞角

柳外官橋出戍樓和霜和月按梁州吹時莫近孤山  
下千樹梅花不識愁

懷向古

曾同野竈煮溪魚別宦歸遲信息疎不是山中無楷  
葉尋常嬾寄入城書

博望

使者星明犯斗牛歸槎穩泛絳河秋茂陵可是無仙

分不載丹砂載石榴

上巳感懷

一春無况懶遊山風景依然三月三十里楊花深似  
雪馬蹄無路入江南

已東西

已東有杜鵑杜鵑啼春花正好巴西有杜鵑杜鵑啼  
血花可憐已東巴西久為客目斷江南歸未得明月  
滿地山花白

名牖

玲瓏千大厓高處倚蓬萊山月照得白天風吹不開

渴龍棲古井、病雀下蒼苔、衽有麻衣叟時々把易來、

山村遺稿卷三

山村遺藁卷四

吳郡顧維岳手輯

錢唐 仇遠 仁近

題趙子昂陳仲美合作水鳥小景

良工苦思可心降，庶事文禽不解雙。  
欲采芳華波浪闊，芙蓉朵、隔秋江。

題漂陽市

萬家大縣舊留都，一派中江入太湖。  
縮項魚肥人賸玉，長腰米貴客量珠。  
府分南北寒蕪合，橋直東西夜市無。  
却是旗亭浮蟻美，杖頭能費幾青蚨。

題三忠堂三首

即趙葵宅也

丞相當年握筆時、封胡羯末總佳兒、後來家有無窮  
事、便是天仙也不知、

其二

謝朓諸郎入寄奴、撥雲忘祖亦忘吳、一門一品如今  
有、三世三忠自古無、

其三

一紙郎雲傲劫灰、慈親一見一心摧、如今王謝堂前  
燕、飛入人家更不回、

題趙仲穆山水

綠林紅樹石崢嶸、有客攜琴訪友生、今夜西軒風月

好、幾勤為我鼓商聲

其二

王孫遺蹟在桐鄉，留得當年翰墨香。  
回首西風多感慨，不辭援筆賦穠康。

題趙松雪竹石幽蘭

舊時表見揮毫處，脩竹幽蘭取次分。  
欲把一竿苔水上，匯波千頃看秋雲。

魯菴師以葵齋白描四薌命作韻語云

淡墨英、妙寫真。一花一葉一精神。  
繁香曾入廬山夢，遺佩如行湘水春。  
小白凝珠還勝雪，輕黃承靨不



生處老僧懶作浮華一作想空谷猶疑見似人

梅其二

夢想幽芳無處尋相逢依舊歲寒心要看月底玲瓏  
玉休折枝頭舊萼金清曉風霜和艷冷黃昏庭院覺  
香深揚州一樹春多少殢得何郎瘦不禁

蜀山

蜀娃老一作峯高翠倚天洮湖春水綠無邊不知楊柳  
蘼葭外何處泊君書畫船

閑居十詠

階前栽夢金絲草籬壁一作紅垂錦帶花梓澤平原

衆一作易銷歇天留富貴與詩家

其二

樹隔殘鐘遠欲無野雲漠漠雨疎疎  
飛蚊一作書迹南風去父子燈前共讀書

其三

卻屋著書無筆力閑門覓句費心機  
不如花下冥坐靜看蜻蜓蛺蝶飛

其四

鶯花韋曲舊時遊老去閑情已五休  
却笑東風無檢束又隨飛絮過南樓

其五

鳥爵喧啾

秋一作

未肯棲紅風吹樹影離披屋邊尚有

斜陽在更看山人一局棋

其六

風挾濃雲起礮車捎窗而脚亂如麻山中茅屋應安穩不向溪聲送落花

其七

新竹脩々綠覆過

一作

牆讀書門戶

外一作

亦陰涼道人

清福不肯受却入西山看夕陽

其八

翠袖佳人倚暮寒、雙禽踴破玉闌干、空山月落春風換、直作羅浮夢裏看、

其九

茶甌紗帽慣迎賓、不是詩人即道人、細雨斜風君莫出、綠陰門外有紅塵、

其十

珠簾玉柵綺羅叢、猶有承平京洛風、飲罷歸來遊騎少、一庭明月夜方中、

集虛書院

築舍東皋野水濱、室中生白座生春、了知空洞元無

物須信清明自有神幽迳草花聊適趣閑牕筆硯不  
留塵酒經丹訣非吾事萬卷書藏一老身

題馬秀卿郊墅

仙人朝去暮知還野色嵐風一作光一草菴少室何妨  
高索價莫教輕指作終南

山村雜著

吳郡顧維岳手輯

錢唐 仇遠 仁近

題江貫造百牛圖

山中人以百牛圖相示余謂宣王考牧于阿于池北  
十其牒已訖其牛之多况涇川之耳滿二百耶田舍  
翁以多牛為富安得一黃犢歸耕南山余所愛者類  
無者一牛耳掩卷一粲

山中白雲詞叙

讀山中白雲詞意度超玄律呂協洽不特可寫音檀  
口亦可被歌管尋清廟方之古人當與白石老仙相

山村雜著

鼓吹世謂詞者詩之餘然詞尤難于詩詞失腔猶詩落韻詩不過四五七言而止詞乃有四聲五音均拍重輕清濁之別若言順律外律協言謬俱非本色或一字未合一句皆廢一句未妥一闕皆不光采信憂憂乎其難又怪陋邦腐儒窮鄉村叟每以詞為易事酒邊興豪即引絃揮筆動以東坡稼軒龍洲自況極具至四字沁園春五字水調七字鷓鴣天步蟾宮拊几擊缶同聲附和如梵唄如步虛不知宮調為何物令老伶俚娼面稱好而背竊笑是豈足與言詞哉余幼有此癖老頗知難然已有三數曲流傳朋友間山

歌村謠，是豈是與村夏詞比哉？古人有言曰：銘乘交鍊而丹成，情景交鍊而詞成。指迷妙訣，吾將從村夏北面求之。山村居士仇遠序。

趙子同臨蘭亭跋

余見子昂臨《河序》何翅數百本，無一字不咄咄逼真。如郢人運斤成風，庖丁奏刀批郤導窾，因其固然，如輪扁老于斲，如大馬捶鉤，不失毫芒，得之心應之手，在夫熟之而已。此本經師道子俊鑒定，增價十倍。錢唐仇遠跋。

思陵書東坡人參地黃詩



山村雜著

光孝皇后惠聖慈烈楊姓御書也。夫婦筆法追及晉人前此所未有也。書二藥艸以賜人臣。藥石之訓也。俱非艸。觀者宜參言外之意。丙寅清明日錢唐仇遠千邵氏書齋。

跋李西臺書

西臺書三十年前極罕得見。近數見之。大概雄實篤厚。如其人。涪翁傷肥之論。無乃太嚴。此六信帖意行筆。天真爛熳。尤可愛。世謂平園政媿后村不善書。輒欲評畫。余之謂與枕仇遠。

跋求志齋陸仲覽居

大隱山林小隱朝市不事外求各志其志志義行義  
志仁行仁云何古昔未見其人攻苦食淡我志願閒  
耕閑釣窅我志望尹志一先定詎為氣移朝斯夕斯  
心誠求之存則求志充則達道先求放心庶可深造  
延祐七年中秋節書

跋趙榮祿小楷過秦論

余十數年前游白石披雲菴南谷杜先生出示子昂  
所書黃素黃庭經楷法端勁今復見過秦論于民瞻  
字畫比黃素尤縝密實為二妙余來子昂小楷與前  
微不同年事筆力日進日益真余之畏友也大德辛

山村雜著

丑長至日南陽仇遠書

馬霞外詩集序

錢塘有隱君子曰馬虛中其資也粹其學也正其言也文其居家篤于孝弟清勤恬雅動以古人自飭暨出家著道士服隱約西湖之濱士大夫慕與之交不過習清虛談淡泊無一言及勢力聲利而世之能寒熱人者介我進退語嘿之間一言不少屈蓋內重而簡外信已而不求人知而人之知者誠心說服焉噫君子哉子與虛中游有年平昔已敬其人一日虛中攜詩卷相示大抵以平夷恬淡為體清新圓美

圖美為用陶袁子空合道于趣渾然天成不止於烟  
雲花柳魚鳥而已鄉有雪巖褚先生者博學卓行之  
士也執古刀尺裁量晚後虛中從之學盡得其微妙  
況汗渚萬里遠覽崧岱之雄拔江河濟淮之奔放近  
挹兩峯三潭六橋之佳麗秀整交廣視濶胸次宏豁  
宜其筆力不凡如此昔人謂不行千里不可讀杜詩  
而夢州以後殊更老成予于虛中之歸不但放一頭  
且畏之矣西湖物：是詩料秋來日：是詩思尚當  
與子吟嘯於乾坤萬象之表大德六年九月里人仇  
遠序

山村雜著補遺

歙縣鮑廷博以文輯錄

跋顧德謙畫卷

蘇武奉上林帛書生入王門關一策古今榮之而未  
繪之為圖者繪之自德謙始德謙畫人比之王維此  
圖雖無摩詰氣韻而筆力遒健人物精雅凱之而下  
不多見也

跋東坡書楚頌帖

坡仙足跡徧天下列處即視為傳舍作冷泉主蘇山  
房客海北天南九萬里風何時果能親駕晚歸陽羨  
將卜居逍遙乎田野楚頌之謀未成而楚些作矣惜

也南陽仇遠與古渚文心之新城羅亦姓同親于西湖之東

題陳趙合作水鳥小景

大德五年辛丑秋仲美訪子昂學士于餘英松雪齋  
霜晴溪碧作此如活使崔艾復生當讓出一頭脩飾  
潤色子昂有焉昔人有以千金換能言鴨者此雖不  
能言亦非千金勿輕與是年除夕題于躬行齋南陽  
仇遠跋

跋倪元鎮秋林山色圖

雲林此圖不甚類平居筆清潤之致似金法且然洪

谷之意。蓋其天資道逸。隨其步武。無不妙絕。雖簡略  
冲遠。而濃淡高下。似弱而老。似淺而深。洵得意之筆  
也。寶之毋最。

山村遺藁附錄上

此卷見項氏刻本

題仇仁近山村圖卷

周密

我昔游七閩百嶺爭嵒業白雲漲川原深谷如積雪  
又游老姥峯幽磴緣曲折長林翳寒日千里行落葉  
轉頭五十年遐想正愁絕開圖意忽動懽悅生內熱  
何年賦歸田初志遂所愜懷哉復懷哉清夢繞林樾

九月八日雨中悶坐和荅仇仁父張李野

趙孟頫

客居破屋苦秋雨黑潦侵階竈欲沈青蕊明朝不堪  
摘誰能載酒慰幽心



山村遺藁附錄止

仇仁父解秩建康有新文曰金淵集

吾王衍

老去陶元亮歸來向子平鄉關成久別故舊喜相迎  
卜宅來江燕移尊笑海鯨新傳浣花句未怪作金聲

別仇山村

劉伶一鍾事後狀胡蝶飛來別有天欲語太玄何處  
問西泠西畔斷橋邊

次韵仇仁父晚秋雜興三首

鮮于樞

薄官長為客虛名不救貧又看新過雁仍是未歸人  
茅屋寒誰補柴車晚自中青雲有知己潦倒若為親

地靜莓苔合，心閑落葉深。炎方秋尚暑，水閣晝多陰。  
富意時觀畫，怡情偶聽琴。起予賴詩友，為余動微吟。  
身共賓鴻遠，心同野鶴閒。謀生知我拙，學稼任兒愚。  
北望空思汴，南游未厭吳。餐須問藜藿，興不在尊罍。

送仇仁近分教梁陽兼寄張仲實袁衷

往讀大厯才子詩，長恨諸人不公卿。當時將相得豪  
舉，誰如千年農畝留佳名。破帽飢吟孟貞曜，一尉亭  
勤晚初調。至今山水餘妖妍，尚有當年賦詩料。廣文  
清絕非驚曹，况君意氣凌雲高。蠻宮寬閑衿佩集，底  
用如彼雕鐫縈丹陽。湖西足煙樹，想象昭關遁逃路。

六朝舊迹徧蒿萊。盡是諸賢醉遊處。人生自古并合  
難。詩人今日盟未寒。聯珠聚比百里聚會見。史昂  
頭看西秦公子。昨烟。陽。最。三年官舍冷。憑君為我  
敘相思行矣。追尋嘯煙艇。

陪仇仁近先生登石頭城

黃潛

談笑逢諸老。登臨失故亭。薄游成汗漫。高步覺玲瓏。  
峽水通吳白。淮山入楚青。平生一杯酒。及此慰飄零。

陪山村先生白提舉宅清集

釋善住

展席當清晝。憑軒野思饒。暫隨履齒沒。雪入酒杯消。  
看竹寫先舞。禪。乘。梅。自。飄。風。流。餘。二。老。相。對。話。前。朝。

次韵山村先生二首

嚴陵臺下水潺湲，漠漠高風去不還。  
處士隱廬遺路側，水公書甕出松間。  
山田曉瘠民生儉，郡邑蕭條史事閒。  
幾欲清游身未遂，煙霞盪礴鬢毛斑。  
空起空山尚有星，悲茹香上青冥。  
壁間燈暗雅啼檝，池上月涼魚鬪藻。  
文錦薦拌風字斫，絛繩穿夾枕書經。  
舌端解使天華墜，爭似無言對翠屏。

次韵山村見寄

龔璚

故舊相忘憐索居，病身禪榻了無餘。  
從知聚散等成夢，卻要寒溫多寄書。  
四海交吾靡二，浮雲方駕自

魚六惟君尊酒論量好，出口他人得徂。

挽仇山村

錢惟善

詩窮八十年，江海正淒然。玉座風生，頰青衫雪滿顛。  
門牆張籍後，墓表孟郊賢。出處人皆識，哀歌徹九泉。

題仇仁近山村圖卷，即次其原韵

李東陽

仇山有遺老，白首慕林屋。塵途謝簪組，雅志不為祿。  
誰將西湖水，來灌南陽蕪。舊藏房山圖，幽意時往復。  
人皆愛豪素，此興渠所獨。新聲世亦少，遺響在空谷。  
蕭條異代間，不歎悲艸木。嗟余亦何心，對此還駐目。

平生不識畫賞此一詩足茲山幸我隣老矣願終卜

文徵明

春山擁春雲翳狀尖茅屋下有幽貞士冥心謝榮祿  
卓哉淵明志夫豈在叢蕝李愿盤中居深繚而復  
亦有杜陵翁長鏡劇黃獨豈無終南徑不博王官谷  
仇山在何許村后迷灌木乃今予載下開圖見天目  
青山卧有餘白雲看不足願言往從之不疑我何卜

山村遺藁附錄下

知不足齋輯錄

○寓樓小飲

并序

方回

十一月十二日趙賓暖仇仁近曹之才張仲  
寬道士王子由會于方回之寓樓以西湖客  
北海尊各賦五言一首賓暘子伯玉侍

六賢一道士邂逅及吾門藉甚西湖客慙無北海尊  
雪堂副團練石鼎老軒轅歌壯詩奇絕誰能效許渾

賓暘歌大  
江東去詞

次韵仇仁近謝詩跋

羈角明從飾悅醺成人可更戲桐圭萬鈞致力終能

舉一字爭工未易題魯頌向來晞考父  
雪風元自異  
公西長江破浪輸君手  
月學村船送上溪

次韵儿仁近至日

浪說春迴地底陽  
駝裘正怯北風涼  
未來事甚雲難測  
已老身無日再長  
燕遷招魂千里雪  
彤庭待漏五更霜  
閑人幸脫拘攣外  
客枕何庸早起忙

次韵仇仁近有懷見寄

此首重見後刪

身歷干戈百戰塵  
休官仍似布衣貧  
每看事有難行處  
未見心無不愧人  
秋稔粥饘猶可繼  
夜涼燈火已堪親  
閉門讀易吾謀決  
莫用著龜問鬼神



次韵仇仁近晴窓二首

澗毛足可縫晨羞密暗牕明日去留古道海深磐石  
墜時情風緩緩絲游天淵有間終何恨人我相違各  
不求四顧茫茫欲馬往一寒端為效忠謀

往時洪認沾蕃宣處士名間積有年甚歎回傾藎澤  
酒未能略送始興錢細看好句無疵處時出名言亦  
自然苦海愛河爭沒溺禪窓一榻篆茶煙

○ 次韵仇仁近見贈

霜削風脰縕絮輕忍能弔古上頽城窮途我輩俱相  
似老態今年轉可驚羞喜有兒滕伯道故知無婢效

康成紫陽溪上餘茅屋終與沙鷗不負盟

次韵仇仁近用韵見六五首

時驚驛走聽庭宣老朽於予孰使年鳴玉久忘緒結  
佩穿花空憶錦連錢愧非今代王摩詰許識能詩孟  
浩然野服幅巾亦堪畫丹青何必上凌煙

眼過登伽皴面羞湖山信義為誰留閉道不辦多王  
老下澤惟思似少游行後自量非得已食貧能忍復  
罵求餘生至此當知命壯事虛拋更老謀

久已休官卧紫陽故園稍復葺荒涼雖無廩屋千間  
廣尚有書檠二尺長清賞五更花過雨珍烹十月菜

經霜客遊蕩，惹興三恨早。覺歸心曉夜忙，  
治任猶近旦中觴。旅次今移日至圭，惡况味逢佳節。  
序頓情懷怯好詩題，向來守黑元知白。幾輩平東復  
鎮西，定是仇仙知此意。卜隣端欲共花溪，  
褒衣全覺近人輕。擊柝鳴聲滿萬城，士氣欲如枯州  
死。文聲未見蟄雷驚，絳侯豈識長沙傳。秦宓能非棘  
子成，當復夜窓抱冷膝。百年長與一燈盟。

○ 過仇仁近山齋小飲次前韻三首

貧何所惡賤何羞，寓物無心任去留。尚有可人同臭味，  
足相聞處與交游。銜杯痛飲真吾事，拚架多書不

山村遺藁附錄下

外求頗欲買隣今已晚石田茅屋伏誰謀

此腹使六十年寧作鴻羨長貯  
錢一瓢陋巷應常事馬馬高車持

酒可能  
偶狀潦倒

荒煙

藹春陽與世炎豈有涼書室相迎黃卷

積羽人同坐白鬚長此翁以客貧無病今歲奇寒雪  
更霜一餉清談百憂絕故知退靜勝奔忙

○寓杭久無詩長至後偶賦懷歸五首呈仁近仲

實

嚴灘合問紫陽津誤進西湖客冥濱老子通身唯是

骨梅稍作意為誰春，飽更世故全如夢。慣忍霜寒窮  
益人，莫笑龍鍾開七袞。含珠何限已成塵。

天應知我駁驅馳，故遣虀隤掩敝帷。

舊馬僅存其一  
今秋亦失之

一紀窮愁嚴瀨夢，三年長至武林詩。山深無事尚堪  
隱，歲莫不歸何所為。此世與身總非昔，可能杯酒答  
深悲。

同雲欲雪暮天陰，濁酒樓頭手自斟。漫仕偶嘗叨五  
馬，倦游何止喪千金。盡捐寫宅償逋負，僅保殘書伴  
嘯吟。從此日長夜應短，未妨微耐曉寒侵。

荒城夜悄不聞更，小閣歲燈暗復明。酒已半消詩未

就雪應欲下而微鳴。渴飲短是迴。長至轉覺前脩愧。  
後生歸與兒曹煮春齋。故應有味勝龜羹。  
酒朋詩友遍人寰。大半彫零喪亂閒。野曝尚分黃道日。  
春耕欲老紫陽山。少年多病豈知壽。晚節忍窮才得  
閑。身隱亂雲萬重外。誰能書札問柴關。

次韵仁近見和懷歸五首

諸公合杳據天津。往事微茫問漢濱。老病腐儒無可  
意。雪霜死州有重春。散苑不復來天女。中酒焉能致  
聖人。誰且生塵賦羅襪。吾家已恐甌生塵。  
輪蹄追想禁街馳。尚有君平賣卜帷。遁世久忘三接

卦懷人空賦八哀詩歛華就實嗟何及悟往知來尚  
可為歸去井梧應好在白頭江令自堪悲

日短情窓頃刻陰乾坤萬慮入孤斟故交剩見車逢  
笠初學誰羞屋畫金菱鏡豈堪朝愧覩茗鑪聊伴夜  
瓶吟生平不倚心如鐵似覺難禁世故侵

萬險千艱歷之更是非他日仗誰明著書何用心徒  
苦歌枕無眠耳自鳴劫火不虞迷厄運浮漚亦復任

殘生說與裨官應未減堂厨初未識魚羹簡齋謂此書生便宜

端能何地脫塵寰萬壑松聲夢寐閒無限三槐仍九

棘孰知東國與山西聲名赫奕終非福滋味悠長莫若

問馬足車輪不到處、陶門惟有畫常閑。

次韵仁近訝約予不至

風塵矯處稱寡孤、疲甿暴骨紛痕瘡。驟得如願宮亭  
湖鬼妾色悲充公娛、老夫旅庖慳薪蔬。費僕都掄朝  
連晡、疇昔過君觀異書。諄語謂為飢所驅、前二千名  
出無驢。徒步亦無傷、入扶忽往修還元。不板休官解  
縛身、自如。有酒可再折簡呼索詩、却恐技如鼷。歸與  
中柴車、不用祖席歆驪駒。青山白雲落吾手、春天夢  
斷章臺柳。

丙戌除夕次韵仁近二首



歲窮猶此客，不早見幾微。豈易賒鄰醞，何慚典故衣。  
餘寒常有幾，小忍未為非。野燒迴青潤，春山飽蕨薇。  
盆梅開欲盡，翠幹已苔深。物極容春蟄，人窮自陸沈。  
鍾知浮世事，燈識老儒心。冶陌饒芳草，哀遲肯重尋。

除夕再用韻答仁近二首

多公二十歲，筋力早衰微。棄物猶殘歷，童心更美衣。  
春光終古在，人事逐時非。但願干戈息，無庸詠戢薇。  
多公二十歲，此夕感猶深。頗覺北風轉，不堪西日沈。  
醉喧鄰巷語，愁動故鄉心。七袞從今始，菟裘可緩尋。

次韻仁近客興二首

閱世紛如起滅漚可須金羽較沈浮自知人老宜堅  
坐更為春寒倦薄游荒塞尚能哦楚些儀隣不復夢  
唐樓載書歸老黃山下待喚溪翁賃半舟

華年君欲隱山村如我祇當杜簞門落之筋骸餘老  
病奄之氣甚僅生存黃精滿谷春苗嫩丹艸歲山石  
溜濕足可無求度殘歲自編詩集教兒孫

仇仁近母邢夫人挽詩

慈顏才一識近獲拜書樓忽化金棺火應添石室籌  
鄉鄰傳壺範帛祭盡儒流令子今和靖詩名甲此州

次韻仇仁近梅雨

客心何日渡桑乾、瑣々良難而更難、途遠家々踰戶  
限、簷聲夜々過更闌、歸舟屢阻千灘漲、暑簟頻驚五  
月寒、會許燈花報晴信、書惟新照玉蟲丹

再用而不已韵荅仁近

良昌所至已沈次、寄語雲師盍少休、暮境豈堪逢歲  
惡、腐儒可但為身憂、敗牆蛇出頻穿戶、涇柱蠅升欲  
上樓、擬問鄰醪破岑寔、蛇出寓屋之主人家郵聞說酢如榴

雨夜懷仁近二首

平生湖海氣、歲晚可誰鄰、朋友非難得、情懷未必真、  
孤燈昏夜目、破衲冷秋身、明日天晴否、遇從僅此人

料我今誰識交君日漸深相看如骨肉有志各山林  
佐酒無珍具成詩每痛箴晝逢常夜別兩阻定晴尋

次韵仁近九日予病不出

炎涼飄忽嘆如流久客仍逢歲不秋高處未應堪著  
眼悶中惟可獨搔頭市酤大惡難露醉晴色良佳竟  
倦遊戲馬龍山總灰滅免曹馬悟此身浮

次韵贈仇仁近

如池之酒如林肉不與寒士作厦屋馬畜彌山金滿  
堂此但可以駭愚俗得時引類上雲霄失勢舉族填  
溝瀆曾不若仇翁方叟兩窮交相與坦蕩忘邊幅知

我無錢借書令我與至今市井小兒相指目嘆今之  
人我未識可魯陽虎宗華替屈心抑志諒未能及物  
濟人非不欲古人曾次一相知劉文升忘其腹嚴子  
陵忘其足後之君子莫若自求福考槃遯肥遠匪辱  
檀道濟號爲萬里之長城何似陶元亮醉卧一籬菊  
厄途所至太行坂深坑莫測沃焦谷我將歸老紫陽  
山尚恐烏大夫之馬幣聘溫生洛之南聘石生洛之  
北

。十月初六日同仇仁近至王子由庵遂飲白雲

李居士灾書事

初上吳山北遂過吳山南茂樹悉剪薙餘石空嶢峩  
向來華屋處十不存二三忽如入壺天偶得羽人庵  
閱畫有遠意評詩無俗談背湖萬松嶺面江三茅觀  
人煙向如織今者篁竹半獵士捕乳虎伏弩行者斷  
野獸出城市白晝無忌憚昨僅獲其一此事可三嘆  
誰家有幽居下瞰煙雲洲西極夕陽外東窮滄海頭  
一覽不欲盡翠樹蓄其樓主人雅好棗置酒更獻酬  
禹穴渺何許指視令人愁酒中泛酥柑酒味彌芳烈  
果蔬無不佳霜螯風味絕卜夜意未闌醉歸步微月  
人生了一日世故劇瑣屑窮達不足云興已詎須說

。題仇仁近白駒詩圖趙子昂畫及書

至潔不見取此責自有人繫維幸不及遯野醉自吟  
上下不相求於中歌者頻歌者誠愛賢者亦愛身

。次韵仇仁近題主子由隱居

涼窗暑却扇煥問寒謝表主人一不凡永無俗客遊  
地高山使然十倍百尺樓人品似更高不識王公侯  
是中即洞天何所復巖上靈府能自超玄關元不幽  
染腴匪道味涉累非仙派寂靜保此室毫髮不外求  
有書亦時讀一日踰千秋

。仇仁近之姑蘇別後奉寄

詩眼到姑蘇、今愁古恨俱臺驚吳淞、江間晉時鱸、  
矯奪風應息、懷襄氣未甦、梅邊早回首、飛霍望林逋、  
○ 這次仇仁近韻謾成三首

儒冠誰使著、何至動言貧、此事須吾黨、相期到古人、  
衰顏猶可鏡、短髮僅堪巾、舉世無知者、孤燈夜獨親、  
卧思身世事、無夜不更深、脫難涖登岸、逃名影就陰、  
樽中醉魯酒、座右自陶琴、詩就誰能賞、徒勞大古吟、  
風雲乘變化、微賤忽公孤、內足窮過達、多求智近愚、  
談鋒摧衍薏、筆陣掃孫吳、時彥當如此、吾歸釣雪鱸、

○ 次韵仇仁近有懷見寄十首



我能納祿君辭聘士覺蓑衣勝衮衣有徑弗行緣畏  
險無形可見要斫幾就令枵腹常三賴儘勝枯骸永  
不歸何 戟門委荒艸高堂猶記舊巍巍  
誰識虛翁此一處歸來不嘆食無魚早間曾換異三  
子近 陶詩賦二疎但苦老身多疾痛時呼醫士問  
方書君知湖海元龍否豪氣年來已盡除

老玩章編尚可為復能吃口對期々離明偶別書燈  
見坎止因斟硯水知豈就微塵裨春嶽只愁殘照近  
咸池兒曹未悟侯王夢不了邯鄲黍一炊

身歷干戈百戰塵休官仍似布衣貧每看事有難行

處未見心無不愧人秋稔粥體猶可繼夜涼燈火已  
堪親閉門讀易吾謀決莫用著龜問鬼神

寄來詩卷了無塵想見家貧道不貧真復遠追前輩  
味頗驚頻異去年人驅車蕩：行須至破的遙見  
已親換骨得仙內丹熟可須浮海望三神

少年忽作白頭人慷慨悲歌豈為身屈子獨醒天可  
問重華久去士常貧餅無儲粟陶元亮馬似乘船賀  
季真此味熟能相識察隕霜碩果有餘春

漢廷簪紱造金張初服逡巡返士鄉身退能為陳傳  
去過劉似勝次公狂庭梧隕葉元非死秋燕辭巢不

待涼玩物察時遠，災咎不須空熱九迴腸。

守雌甘似不鳴，將靜看無庸手脚忙。沮溺故難同孔

子孔子不可沮綺園何獨避高皇。做不得星移斗轉光

陰疾林密山深，氣味長萬事灰心。如嚼蠟唯餘杯酒

未相忘。

猶喜看書懶作詩，暮年自合省云為。預知陰雨骨髓

痛，怯上好山筋力罷。不寐有時忘數息，無疑焉用扣

歸竒。寄聲為報仇香道，近日交朋獨屬思。

相從汨沒走泥塗，忽又還家半載餘。杞蓋何由嘗我

酒，典錢猶憶借君書。兒孫十輩娛詩老，梅竹千秋護

野廬東望 屢搔首能來相訪定何如

○ 寄仇仁近白廷玉張仲實京口當塗江陰三學  
正兼述新歲陰雨春寒有懷

同時糾正諸侯學錯脚相鄰總鉅邦足可養廉三斛  
米未妨溫故一鎗宜有人北面求宗旨無事東流送  
大江向道熱陽山色好何為不冒沂溪瀧

○ 送仇仁近持山村圖求屋賞

浪多年二十是事弗如之我老初登策聞君早解詩  
風霜懸齒頰錦繡簇肝脾才是通漫刺誰非獻屈尼  
責人遺世患寒士扼時危道泰官猶冷身窮氣未衰

雖無間屋妾已有官堂兒村擬茅齋卜山將畫卷隨  
賀成良匪易哀宣渡妾疑歲稔田收倍秋涼渚泛宜  
定應爭倒屣不惜共指贊千斛歸舟駛梁文想預為

次韵仇仁近暑中二首

初減官河幾許深向來惟恐百城沈晴階近喜收簷  
滴暑屋殊嫌乏樹陰妾婦齒牙工闕闕比隣瘡瘍最  
呻吟懸知壯士無顏色賴有同心可斷金

瞬息涼炎代謝頻沈冥自養靜中身讀書快意如抓  
痒得由言懷當寫真幸不與間甯世事可須常作卑  
途人忽思秦漢干戈際商嶺猶堪避戰塵

以上見桐江續集

雪夜仇仁近屠存博數先輩過山房分韻得朝

字

馬臻

溼雲結空寒氣騎雲根古觀埋山腰山人宴坐觀物  
化竹風松雪聲飄蕭二三才子相招邀聯軒過我欵  
清宵小閤閑暖蠟光搖案頭置酒羅桂樹劇談若與  
元氣合銅匱火冷青煙消城樓殘更敲短夢軒眠縱  
客嘲邊韶我無詩才學李杜又無仙術追松喬人生  
此會能幾有今朝未必知來朝請君得意歌且飲江上  
春風吹柳條

陪葛元白仇仁近訪南竺詩僧分韻得影字

花開空山春窮幽到絕頂入寺逢遠公頃覺塵慮屏  
遂作蓮社游把酒酌龍井萬生各有態得意還自領  
此樂殊未極落日倒林影明朝下山去笑別風篁嶺

送仇仁近之溧陽教授

我昔萬里游轉覺山水好歸來桑梓間凝情向故老  
自從識君三十春交淡如水情相親愛君長才凌絕  
謝和光接物同常人一生會晤真難據君又之官溧  
陽去溧陽地勝名士多道在絃歌間適處春江漠  
春帆開柳花風起如塵埃只恐文星留不住玉堂金

馬待君來待君來請看天上黃金臺

和仇仁近歲暮見寄韵

瑤琴三疊此心閒目送飛鴻信手操千里故人行自  
遠一聲白雪和應難賀公歲晚梅狂客鄭老才高只  
冷官且向吟邊了身世西山莫雨捲簾看

和仇仁近教授見寄詩韵

君詩如錦我難如為報交朋遠寄書爆竹又經枿頌  
獻浣花終卜艸堂居百年過眼春排遣萬事傷心酒  
破除白髮滿頭還自笑一節風雪出無驢

暇日偕劉悅心仇山村白湛淵諸詩老訪西湖



北山淨空主人王公清話暮歸分韻得來字

松柏山門畫不開、秋陰散策此徘徊、每懷白傅題詩  
去、更憶揚雄問字來、盡日酒杯隨晚菊、千年人事疊  
蒼苔、池中金鯽疑龍在、歸路殘雲帶雨回

集句題山村圖二首

先生高興似樵漁、更有何人在此居、茅屋數間窺窻  
窕、睡時山雨澗圖書

萬疊青山但一川、一村桑柘一村煙、隔林髣髴聞機  
杼、猶記騎驢掠社錢

和仇村翁九日招飲詩韵

山中遇常陸銀市

每愛淵明詩珠璣光可摘君家枉新設案、盤元白  
有若探滄海驪龍此窟宅今歲菊花開不受風雨迫  
念茲展良會觴詠忘主客百年幾何時況復難滿百  
緬想龍山人西風墮巾幘

。暇日偶寫熙晦翁仇山村俾予陋貌髣髴三老  
坐松石間傳于短繖長不盈尺就成七言古詩

### 一首奉寄仰山大席

晦機老子八十餘青瞳炯、霜眉鬚風幡自動心自  
如習中錯落盤經書別時記得吟詩送世事區區等  
春夢漢無綺皓商山輕越有鴻臚五湖重神遊夜遠

梅花洲覺來衣袂清香留賴有白頭仇博士與我聲  
氣同相求招邀三老成圖畫從渠讚嘆從渠罵不然  
只作虎溪看他日叢林作佳話

和山村見寄詩韵七首

一經矻自窮年門巷無人問艸玄安得雲龍隨上  
下還憐鑿枘失方圓問閑啼鵲春多恨牢落鯨魚夜  
不眠萬物去來天理見薰風未必競繁弦

一粟曾聞累十觴即今酒量復誰強聖賢味在中清  
濁鳬雀天全任短長靜裏支頤觀物化閒來袖手看  
春忙功成名遂身須退千載清風綠野堂

山人夢不離山林歸隱蹉跎愧孔賓  
平淡詩章心自得空濛煙雨畫難真  
室如懸磬那愁盜語不能神  
嬾向人莫道無金憂不足黃金入眼也成塵

閒愁常問竹平安竹外樓高眼界寬  
覓句不孤池夢草休官猶得隴栽藥  
浮雲易散傷隣笛至藥難成失  
露盤莫負杖藜行處樂江花江艸滿江干

得失悲歡較我何西鄰雖富不曾過  
昔賢已分安隱釣貧女無心在綺羅  
挺松椿禁雪老紛桃李日  
春多憂來倦仰人間世背立斜陽讀九歌  
休將野眼染緇塵大患須知為有身  
藥餌任從畱過

客是非終不到間人、山中相隱懷弘景、谷口躬耕羨  
子真、午睡醒來春事晚、枝頭梅豆已生仁  
不成一事、鬢先皤、朋友偶、喜琢磨、千里音書歸雁  
少、滿城風雨落花多、送階新筍、微過竹、脫繭春蠶欲  
變蛾、惆悵少陵身老大、壯心激越醉時歌

以上見霞外集

○ 仇仁近真贊

戴元表

廣袂長裾、纓變其胡、素絲以為紉、尚為是雍、于  
非平時、暮作洛詠、而歌吳歎者乎

寄仇仁近

方鳳

憶昔三浙涓，勿遽買舟訣。大海漲波濤，排空銀浪掣。  
時方逢杪秋，涼風正淒絕。况復嬰沈疴，殘喘一身不。  
落日古渡橫，掌衣各鳴咽。尚期營歸與，旋泛山陰雪。  
詎料人事遷，芳春竟五閱。寧無雙鯉魚，寒溫叙曲折。  
願茲悲憤衷，未足陳一切。階前金鳳花，當車行復輟。  
閨上西湖公，可似舊澄澈。

寄仇仁近先生

黃潛

一官十載尚沈淪，門巷蕭蕭白屋貧。自有陶公為社  
友，從呼杜老作詩人。兒曹故復輕前輩，僞步誰當出  
後塵。招隱詩成無處寄，莫雲凝碧正愁神。

次韵山村先生二首

釋善住

綠楊深處畫橋橫，風掠平湖碧浪生。  
待得笙歌城郭去，芡芡節竹自閒行。

驛亭楓葉著霜紅，天際冥冥見斷鴻。  
隔岸遠山青更好，澹煙斜日值秋風。

春日呈錢塘阻雨首寄山村先生

客窗鏗暗曙鐘殘，泥潦從衡路未乾。  
滿目雲山留我，一樓風雨見君難。  
湖邊雪淨梅應早，吳下春遲麥尚寒。  
南渡者英久寥落，豈知猶有故衣冠。

送人入杭尋弟及謁山村先生

之子難忘骨肉情，遠尋仲弟入杭城。  
好山半向舟中看，佳句多於枕上成。  
驛路牛羊歸暮色，江橋鼓角動秋聲。  
端淳耆舊今無幾，為問湖邊老淨名。

○ 奉寄山村先生

江國霜寒木葉飛，水深雲宿思依依。  
多年不見先生面，夜在林間望少微。

輯山村先生詩卷

張耆

昔在垂髫日，今嗟薄暮年。  
林孤郝氏選，詩得謝公傳。  
故國空戎馬，荒山冷墓田。  
祇今後死者，忍淚讀遺篇。  
卷可留天地，詩嘗泣鬼神。  
仙歸化竈披髮下騎驎。



素望高前輩，青山老此身。棲霞石表在，終古不成塵。

清明日游東山謁棲霞嶺仇先生墓

前輩凋零盡，南陽有古阡。詩應傳四海，酒不到重泉。  
槐園真成夢，桃源亦是仙。松根一雨淚，慘淡墮風煙。

仇山圖為仇仁近作

戴表元

仇山之下，仇山之人。白頭官學走風塵，問渠家在山何處？雲氣漫漫，不知路。詩人作事例多，逢山且畫且題詩。不如隣翁不識詩，與畫一生耕釣仇山下。

次韵張仲舉學士題高彦敬所畫山村圖卷有趙松雪周草窗仇仁近諸公題詠釋來復

古燕尚書山澤塵風采照耀南天隅平生畫筆入神  
品千金匹練人間無當時求者遍都邑冠蓋填門如  
索逋仇池先生列仙徒握手一見相歡娛醉磨濃墨  
寫王壑老樹幻作蛟龍枝西湖北山莽空闊滄煙白  
鳥迷秋蕪披圖感物念疇昔乾坤孰與斯人俱奔陽  
讀書仍博古後來膏馥多沾濡蛻菴虛游老京國幾  
冠不受山人呼詩窮半世聲赫々西馳白霄東玄菟  
吳興舊是宋宗室奚以丹晨論精粗嗟哉諸公勿復  
作清賞未覺雲泉孤豈無好事掃空翠為我添入廬  
山圖

次韵仇山村留别海雲講師

王子偶因安道出杜陵多為督公留東城畔古蘭  
若曾記南陽雨度游

徵招 答仇山村見寄

張炎

可憐張緒門前柳相看頓非年少三徑已荒涼更如  
今懷抱薄遊渾是感滿煙水一作喬木東風殘照古調誰  
彈古音誰賞一作糖歲華空老京洛染緇塵悠然一作  
悠意獨對南山一笑只在此山中甚相逢不早瘦吟  
心共苦知幾度剪燈一作宵何時更聽雨巴山賦草池春  
曉

風入松

題澄江仙刻海山圖或云桃源圖於堅志云七十二女仙正合霓裳古曲仇仁近一詩精妙詳盡余詞不能工也

危

一作迷

樓古鏡影猶寒倒景忽相看桃花不識東西

晉想如今也夢邯鄲縹緲神仙海上飄零圖畫人間

寶光并氣共回環水弱小舟閒秋風難老三珠樹

尚依三脆管清彈說與霓裳莫舞銀橋不到深山

。

月下笛

寄仇山村溧陽

千里行秋支筇背錦頰懷清友殊鄉聚首愛吟猶自

詩瘦山人不解思

一作愁

猿窠笑問我韋

一作蕭

娘在否

記長堤畫舫

一作湖

一作畫舫

花菜

春開幾番度

一作度

攜手別

後都依舊但靖節門前近來無柳盟鷗尚有可憐西  
塞漁史斷腸不恨江南老恨落葉飄零久倦遊處  
減羈愁猶未消磨一作是酒

夜飛鵲

大德乙巳中秋會仇山村于溪陽酒酣  
興逸各隨所賦全作此詞為明月明年  
佳話云

林霏散浮暝河漢空雲都綠水國秋清綠房一夜迎  
向曉海影飛落寒水蓬萊在何處但危峯縹緲玉簫  
無聲文簫素約料相逢依舊花陰登眺尚餘佳興  
零露下衣襟欲醉還醒明月明年此夜頽顙萬里同  
此陰晴霓裳夢斷到如今不許人聽正婆婆桂底誰

家弄笛風起潮生

。風入松為山村賦

晴嵐暖翠護煙霞喬木晉人家幽居只歸園畫喚樵  
青多種桑麻門掩推敲古意泉分冷淡生涯無邊  
風月樂年華留客可茶瓜任他車馬雖嫌僻笑喧  
流水寒雅小隱正宜深靜休栽湖上梅花

仇仁父詩序

山村仇君過予說詩予觀其年甚茂才識甚高唐  
華聲利之場而冷淡生活之嗜混々富貴中見此古  
墨洗令人心醉及披華帙標格如其人蓋得乾坤清  
氣之全者也余謂作詩當知所主久則自成一家唐  
人之詩以詩為文故寄興深裁語婉本朝之詩以文  
為詩故氣渾雄事精實四靈而後以詩為詩故月露  
之清溪煙雲之鮮麗今君留情雅道滌筆冰甌其孰  
之從仇君曰近體吾主於唐古體吾主於選以下阮  
宗遺民融化事往於融暢圓美中忽而凄楚蘊結

山和遺藁附錄

有離騷三致意之餘韻狀後知向之所以為仁父者  
窮而故在也今夫水雖萬折必東焉鳥獸大者喪其  
羣過鄉翔回焉鳴號踴躍焉小者至于燕雀猶有啁  
噍之鳴焉由人心生也使遭變而不悲泰離居巖而  
不念儀髡望白雲而不思親過州西門而

聞

山陽笛而不懷故是無人心矣尚復有詩哉此余於  
仁父之詩獨證其不為窮所移又明年復相見乃序  
而歸之人當有因予言而深知仁父之心者世之人  
不有知其心則仁父自知之予知之後世必有知之  
者矣浦江方鳳韶父撰



仇山村詩序

觀水必於海觀其會也杭社其詩之會乎非精能之  
至未易據其會而擅其名山村仇君仁近嘗有辛丑  
出西岳詩適徂何來而欲效淵明邪自此亦皆以甲  
子書似此例者甚衆而世獨喜言淵明蓋淵明書甲  
子凡十二詩自序其平生出處本末畧備庚子鎮東  
參軍使者已有靜想田園好人間良可辭之語辛丑  
還江陵中途欲投冠歸故墟以中前志乙巳建安參  
軍使者則田園日夢想其意愈迫矣至秋去為彭澤  
令八十餘日遂賦歸去來義熙元年也其使事往來

及留上京還舊居皆在此六年中自此不復出乙巳  
至丙辰又十二年庚戌西田曰遙沮溺心丙辰下  
溪田舍曰遙謝荷蓀翁則往而不返致命遂志無可  
復言論淵明者要當以是為斷仇君自號山村不願  
富貴而志在田園正如己酉九月庚戌西田丙辰下  
溪田舍獲耳是真知慕淵明者可尚矣陵陽牟巖

仇山村詩序

景定咸淳之間、余初客杭、見能詠人不一二數、不必  
皆杭產也、時余雖學詩、方從事進取、每為人所厭、  
薄以為茲技、乃天之所以卑於窮退之人、使其吟詠、  
山林以洩其無聊、非涉世者之所得、兼余嘗隘而非  
之、諸君子非失職、安得為此不祥之言、離去二十年、  
復來、事有不可言、諸詩人皆盡、而余恍然獨行、獨止、  
如羈禽越鄉而無與、羣如馬行過其故墟、徘徊而悲  
鳴也、嗚呼、疇昔之歎、豈不以此哉、然猶未敢自斷、何  
世無人、何人無心、特余交際先後、疏數之間、不足以

得之久之屠君存博白君廷玉二君者皆鹽志於  
古人皆不棄余而肯與之交私心自喜久之曰二君  
得仇仁近也遂贈余銀成一巨編叩其藏未鏤者尚  
什百於此余驚其多而服其善羨其敏而敬其密自  
是富客中抑鬱不自蟻不得與諸君晤語則取其所  
編張之案端行坐諷之以為快仁近又方力學期樹  
立以為千百年後世計視余區區相知於耳目間但  
不足為既竊自喜茲編之不絕于世而余猶及見之  
耳仁近詩余不敢記於知言就杭人求之比其盛時  
又過之無不及也余年視仁近不甚相絕而氣盡衰

業不蚤就進退皆無足據幸君之相親庶幾諸君愈  
益見厚時得新聞以洗舊藪不敢望有名譽或藉  
以一樂稍捐去晚暮孤貧之憂即君賜大矣若君  
之所願君自得之余無以進君也剡源戴表元序

山村遺棄補遺

歙縣鮑廷博以文輯錄

乙丑再遊九鎖山呈小石

瓊館幽深路屈盤  
千年香火未灰寒  
園荒久已無煙藥  
簫何緣得大丹  
三尺草封潘閣墓  
一方雲護許仙壇  
唐人多有留題字  
自把松明入洞看

溪風吹雨掃寒雲

一作陰

晝見青山面目真  
古石老松

應識我閒花幽鳥自娛人  
丹泉有術偏宜酒  
蒼壁無苔不受塵  
昨日少年今老大  
笑看霜葉莫矜春

谷口亭看山

松下得古洞  
危亭當洞門  
羣峯翠掩冉  
俯視如兒孫

神仙坐能待星斗近可捫對面雙徑山屹立何其尊

來賢名書所見

深林葉滑路乾遲艸子青紅上客衣貪看宜霜亭下  
石不知山後白雲歸

送西秦張仲實游大滌洞天

天柱峯高鎖翠微瘦筇蒼蘚舊相知雲埋樹脚藏溪  
洞竹引泉聲過別池仙去豈無遺跡在君游却恨十  
年遲松花酒熟須拚醉多看青山剩賦詩

題宋宮觀潮圖

金堤既成事已非錢唐江上開皇畿雕闌玉檻照東

海會看秋潮忘黍離中原不復民易主百萬貔貅宿  
沙渚倚樓望潮不來六帝同歸一邱土

○ 擊蛇笏

怒擊妖蛇血未乾一痕槐面猶未乾他時御史飛白  
簡誅死奸妣知不難孔廟寶藏同魏笈生氣接著  
聖物雷下獻斧牙荐角文理不邪剛不屈尔孫北上  
慎保持諸公色動驚見之西山爽氣與可拄手板倒  
執夫何為

為如鏡淨上人賦

以下十二首見項氏刻本

一片靈臺月圓明適中規誰知相對者曾悟未磨時



去垢元來淨觀空了不疑木邊閑獨立照見白鬚眉  
寄題如鏡上人房

吳城久卜居歸夢只西湖花木四時有塵埃一點無  
看經常戒酒得白少催棋盡日坐相繖壁間蓮社圖

橋李亭

閑抱琴書橋李游仙壇古屋一第

一作第

留驛橋通市

人沽酒湖水依城客放舟葵扇桃笙聊卻暑蘋花楓  
葉已知秋坡翁仙去詩聲在寂寞林塘卧白漚

真如寺

一橋大橋界雙湖野徑沿流到佛廬石塔殘燈猶閃

爍相家喬木已蕭疎苔封古井晴逾滑冷荒山草不  
除長水法師癡甚根人定欲何如

### 劉伶墓

鳳浦駕湖西有墳此瑩窳冥海邊村落花紅雨鬼仙  
向淡月黃昏酒聖魂有緇已隨棺槨化無碑空信艾  
男言螟蛉螟蠃今何在起為先生醉一巢

### 送晤侍者游茅山

雲開三茅古洞天借風一棹

一作松

荆溪船所思縣

常在夢此行冉如登仙汲泉淨洗黃猷頃厠石深  
耕瑤艸煙蕙帳香凝蒲坐暖共讀

續

作

南華秋水篇

山村遺素禪道

游天竺二首

行徧山巔又水涯，尚無紅葉與黃花。  
長松夾道六七里，小墅通村十數家。  
竺國雲深僧寂寞，艸堂洞古石嵯峨。  
野翁共醉官壚酒，扶醉歸來已莫雅。  
登覽欣逢勝日開，蒼松九里費躋攀。  
行過綠水盡頭路，步入白雲生處山。  
猿鳥尚能知異境，仙凡原不隔重關。  
幾時拂袖逃塵網，野衲村樵共往還。

游智果寺

獨逕蒼苔引瘦筇，牆陰修竹碧玲瓏。  
青山猶及見坡老，小雨何須問社公。  
雲冷石藏烹茗雪，日長門掩落花紅。

花風定知神虎題梁字不與當時刻火同

晦日攜幼湖上

曾嶺蘇堤盡窳狀東風吹我過湖船江山信美無人  
會兒女情多只自憐柳色梁勻春淡蕩楊花落盡日  
暄妍麥秋天氣渾如此卻笑征衫未脫絛

題天壽觀清隱山房

紫極秋聲竹滿軒一塵飛不浣琴尊白雲自逐秋風  
去卧看君山懶出門

泊桐鄉

雪晴霜樹勝春紅回首臨平杳霭中正是詩人棲穩

日本通志卷之四

處青山明月滿歸蓬

宿本覺寺

竹樹號風似說禪  
青燈布被抱愁眠  
東坡三過我一宿  
盡是人生清淨緣

生查子

銀燭縱玉蟲  
耿耿東窗曉  
京洛少年游  
猶恨歸來早  
寒食正梨花  
古道多芳艸  
今夜試青燈  
依舊雙花

小

八犯玉交枝

龍招寄上

滄島雲連綠瀛秋入暮景却沈洲嶼  
詞餘作渚無浪無風

天地白曉得潮生人語擊空孤柱翠倚高閣憑虛中  
流蒼碧速煙霏惟見廣寒門外青無重數不知是  
水不知是山是樹是山一作不知是樹是樹一作不知是樹是樹一作不知是樹是樹一作不知是樹  
誰問淩波輕步謠凝佇作詞絲乘鸞秦女想庭曲霓裳  
正舞莫須長笛吹愁去怕喚起魚龍三更噴作前山  
而

○ 齊天樂 賦蟬

夕陽門巷荒城曲清音早鳴秋樹薄莢銷衣涼生鬢  
影獨飲天邊風露朝暮奈一度淒吟一番淒楚  
尚有殘蟬暮然飛過別枝去齊宮往事漫省行人

猶說與當時齊女兩歌空山月籠古柳彷彿舊曾聽  
處離情正甚甚懶拂冰箋倦拈琵琶滿地霜紅淺莎  
尋蛺蝶

○ 瑤華慢雪

疎、密、不、漠、不、紛、不、乍、舞、風、無、力、殘、磚、斷、礎、轉、眼、化  
作、方、圭、圓、璧、非、花、非、絮、似、逞、巧、先、投、窗、隙、立、小、樓、不  
見、青、山、萬、里、鳥、飛、無、跡、休、憐、凍、梗、冰、苔、但、飛、入、平  
林、都、是、春、色、年、華、晚、晚、誰、信、道、老、卻、梁、園、詞、客、踏、青  
筵、也、且、二、白、何、須、三、白、把、一、白、分、與、梅、花、要、點、壽、陽  
官、額

贈張玉田

秦川公子謫仙人，布袍落魄餘一身。錦囊香歇玉簫  
斷，庾郎白髮徒傷春。金臺掉頭不肯住，欲把釣竿東  
海去。故鄉入夢忽歸來，并邑依<sub>二</sub>鐵爐步碧池。槐葉  
老都挑眼空，舊雨秋蕭颼。太湖風月數萬頃，扁舟乘  
興尋三高。西北樓一盃酒，與子長歌折楊柳。江山信  
美盡便留，尊菜鱸魚誰處有。



跋仇仁近詩集

知不足齋輯

予讀錢塘山村仇君遠仁近詩集三卷南山逢顧君  
際首云久欲晚塵經未有辟穀方釋狀山中遊世慮  
可暫忘末句云鷗鷺亦知幾深入荻蒲歲卧丹放中  
流吾不如漁郎此詩不似韋應物亦似儲光羲也又  
云高荷不受雨傾瀉與低荷低荷強自持聚雨傾入  
波朝雨尚滴漉晚雨急滂沱臨池卧以聽雨聲靜中  
多兩耳本自清奈此荷葉何此詩惟孟東野集中有  
之狀則詩不可不自成一家亦不可不備衆體老杜  
詩有曹劉有陶謝有顏鮑於沈宗體中沿而下之晚

唐特其一端九僧以前四堂而後專尚晚唐五言古  
調七言長句皆不能不彼此相效許渾水鄭谷僧林  
逋梅魏野賓雪月風花煙雲竹樹無此字不能成四  
十字四十字之中前聯耳聞目見後聯或全是聞或  
全是見如此則一詩而二三古詩者多矣周伯弼詩  
法分領聯頸聯四實四虛前淡虛實此不過情景之  
分如陳簡齋官裏簿書何日了樓頭風雨見秋來是  
非哀二書生老歲月匆匆燕子回乃是一聯而一情  
一景伯弼所不能道老杜云舟中得病移衾枕洞口  
經春長薜蘿山谷云霜髯雪鬢共看鏡黃梅菊英同

送秋后山云老形已具聲膝痛春事無多櫻筍來此  
一脈自老杜以來知而能用者惟三數公豈掣鯨碧  
海與翡翠蘭苕故不同耶仁近二古篇予所絕賞如  
螢火惟知夜燈花不待春割蒲分坐具贈瀑入軍持  
風而不出戶兒孫共讀書荒城而滑難騎馬小市天  
明已賣花此律體亦非近世晚學可及也予非知詩  
者切謂嘉端至今能詩與能評詩之人皆鮮故因跋  
是集發其狂言紫陽方回

仇仁近百詩序

詩不特虞廷廣歌三百五篇為詩也堯舜禹湯伊尹  
傳說告君箕子陳洪範周公作六典孔子讀易老氏  
著五千言戰國之士述吳越春秋司馬遷龜策日者  
傳揚雄太玄皆協音韻而便誦讀協音韻而便誦讀  
則筆之而不繁口之而易於不忘文辭之極致也是  
故變典樂以詩教胄子言志為詩永言為歌之中  
有五聲之中律上之化以此達乎下先王設官采  
詩祭祀賓享有郊廟朝廷之作而邦國閭里所賦之  
風亦取以為房中燕閑之樂下之情以此達乎上降

山村遺稿附錄續

及西都

蘇李

東都建安太子晉宋陶謝律體總興自咸唐

中唐晚唐而及宋代有作者雖未盡合宮商鐘呂之

音不專主怨刺諷譏之事而時號為能言者往往相

與筆傳口授於世而不板此其故何也氣

抑而

難宣吾意有所未易喻時有所觸物有所感事有所

不可直按形之為詩則一言片語而盡之矣故翠華

為寶鍛粗為精文約而義博辭近而旨遠惟詩為然

予友武林仇仁近早工為詩晚乃漸以不求工有稿

二千篇有奇予為選四百篇猶以為多則刪之而取

百焉今天世之不能詩者洋望崖返或不以斯事為

然是固未知堯舜禹湯以來雖文辭之非詩猶責於  
叶音韻而便誦讀此處疑有脫其亦豈無能詩之流然不隘淺  
纖巧則滂放闊誕終不入於作者之域仁近此百詩  
賢盡而珠明也氣至而果熟也霜降而水潤也箭鳴  
而的破也琴瑟具而淫哇退舍衣冠正而強暴拱手  
者也仁近名遠年甫四十有一詩之進未已云就陽  
方回虛谷撰

# 興觀集序

興觀集者錢唐瞿迎以其弟暹集鄉先達仇山村瞿存齋二先生所著七言近體詩八十八首迎持以質之於同邑翰林修撰希範王先生徧閱之已以傳曰詩可以興可以觀援筆於集首大書二字曰興觀於是迎遂名其集曰興觀云山村名遠字仁近字咸淳名士宗正落魄江湖間予知其為人得之于元太史金華黃文獻公所寄詩稱道其學行不置其詩三十首蓋暹得之於外家彭宗海之所藏在當時書以贈其同志咸元仁者存齋名佑字宗吉實迎之叔父

先生

當洪武永樂中累官中外既開太師英國張公延之  
為西席師名在兩京縉紳間識不識皆知為老成多  
才多學之士其詩五十首蓋在北京將南歸時以貽  
還為手澤者二先生之出處雖不同而其學問要皆  
歸之於博見廣識有不可優劣論者也今觀其詩求  
其音節與悲思迭樂之趣未免有亦不同誠以一在  
宗亡之季世一在當今文運亨之日良由其時有  
古今盛衰之異而然耳抑可不均謂之詞林中之傑  
作者耶嗟夫世之有志于斯者固為學者之餘事  
其所好亦未嘗不勞神苦思無晝夜呻 佔畢間已



及垂成則其作隨人而亡有不啻若澌畫燭滅者何  
限今二先生之作得二昆仲以表彰之於既沒之後  
則其作也可謂之不徒作矣噫二昆仲不其賢哉茲  
又將鈇梓以傳諸人二介予友何舜賓請序其由顧  
予後學何敢予二先生之作之前贅蕪陋之辭以賣  
知者之觀特重二昆仲有不沒人之善之美亦義舉  
也姑強言以弁其端蕭山魏驥仲房甫撰

送仇仁近溧陽州教序

昔之仕也、難于仕而易于達、今之仕也、易于仕而其  
達也則難、何謂難於仕而易於達、天下三年一試秋  
闈、數百人取一人、三年一試春官、百人取六人、餘有  
待補太學生、外舍、內舍、與春官、取中人同到殿、試  
前三名、謂之狀元、榜眼、探花、而釋褐、兩優上舍、恩例  
視殿試第二、三名、凡三年、賜綠袍、不過五六百人耳  
入仕、何其難也、朕廟堂有知己、則為臺官、為諫官、為  
文字官、為左右司、檢正官、今日侍從、明日樞參、以至  
宰相、甚易、而不難、今之仕也、何謂易于仕而難于

達學校之士自縣教諭為山長學正一任即可入路  
府州教授以入流路府州縣諸司存吏以年勞為吏  
都目提授考滿則外省咨內省以入選軍功隨軍此  
不必論似乎人仕之甚易但自縣尹而上以至總管  
則極不易得內之六部集賢翰林執樞黃閣未有敢  
垂涎之者吾友山村居士仇君遠仁近受溧陽州教  
年五十八矣歸附垂三十年始得一州教則何其難  
於仕也仕之難如此而況敢望夫達之易矣仁近詩  
名滿世自有垂百世而不可朽者仕之達外物也何  
足控搏而芥蒂回訂誦所聞以為別贈紫陽方回

跋仇仁近山村圖卷

山村圖故尚書高克恭所為御史時為仇先生作  
於泉月精舍乃故宗漳州僉判張逢原淵甫之墳庵  
淵甫即句曲外史伯雨之大父也先生一為溧陽教  
授即不仕仇山在餘杭溪上因號山村民棲霞嶺在  
西湖北山先生墓在為弁陽則艸窗周公謹之別號  
弁山在武康溪上先生耆師也大德初元余甫十有  
一常從先生出入諸公間今再三十年矣景寧尚書  
得此卷以屬題傷年運之既邁感時事之非昔愴然  
於懷以叙卷末庶幾覽者知四君子文獻之徵也至

正昭陽赤奮若夏五之望河東張翥謹書于京師所  
寓虛游軒

右高文簡公畫趙文敏題識仇山村周卣窗讀皆絕  
無而僅有者河東張承旨嘗為賦詩屬和蒲菴復和  
之余欲致鬻老病未能也姑書此以識愧金華宋濂  
題